

AGNOTEMAGANTJITJIL.

OEGÓGMILAG — teltj malleoipenig geptin Pasg ag Pelsit Ann Niglas.

LISTOGOTJG—ngotei Piel Góplan ag Mali Goplan.

METEPENAGIAG—Tjótj P. Pal ag Malgdit Metalig.

SGENOÓPOTTJG—metoeg alasotmogoómeg nogoageg, maol sagaoegig Ingoig gisitotipenig mset tami tlegig telotemittipenig, maol gthalasotóóg-oóm'no soel tan telgig migmagi telotemittitj Setang sgenoópotitjg alasotmógoóm. Nin A. O. Natagneg.

Mesgig ninen mesgelmegeoi ntainenag otjit tan teli nogoag nthalasotmógoómínena 25 eplóga. Nogo ta talasiteo mo ogomesgóltinen, teli mgótigeg nthalasotmógoómínenag, tógo teli aptjetjg taan teli ensonnasig tapo pitio mtehnaganigel, tógo ogomoltjin telatigeg, tepelg tan gisigo atgitemita neglaa tepgigega nemitoeg nogoageg, ag neglaa tópio elpa mógoe gógoei gisi toatoeg tan totjio getjioatieg gis mógoe osetógon eitnog oen ogisi pisgoana, paseg neotetjilt epit na negem maol temg igat, na gisi pisgoateg teoatógól nesisgel pesingeoela tan maol etmategela. Na nogo tjinemog atnigmetatjig samegoan gotatotitj patlasel oiga ag epitjig negmóo oñpasoltitjig teoótoatitj otapson. Gato antj eotgaleg appa. T. M. W. Sgenoópotitjg.

Aptj gteg teli oigiget. Aptjetjg alasotmógoóm nogoageg negela tepgigeg oingatjitetemeg telótemegeg eta mo tami tan gisi pisgoatiten istege tan eimeg mo gisi pisgoatimeg; eli má gógoei gisi tlenog solleoel, gisna ap tan paseg gógoei eitnog patlas paseg alasotmógoóm elt teli oingatamog ag elp teli oingataptasig otang mo alasotmógoóm eimenog. Tjel elp pñjñio oen oetji msegeimg tanag patlasag napeltogog etlagatgepenag tan telgisi opógónematgesenag taneg pogelgepeneg pesemgeoleg petjótog ogtelmitesin negla alasotmógoómeg otjit pogoelnita immatjoínóa gsalata ag ognemitolin gelolg negla alasotmógoómega taneg gisi nogoagega. Elt tan lnoi sagmaoa gesalasena ag tan telgimatj elt telategelisenaga ag tan teli apógónnemogiltal gisotgeg telategelisenaga otjit maótolin tan otji apógónnemogiltala, negla Pasil P. Pal. Elt otjjei gtegel lnoi sogmal tan teli gsalatj ag tan teli gsalatja ag gógoei elog-oasig getlamsetatitj otji negla alasotmógoómeg tan teli opógónnemittitj negla patlasag Malsióg ag Piel Tjo lnoi

sagmaoiteg ag Inog Sgenoópotitjg ag nige gisi nogoag, ag gteg eltasig, tjel gis nige gonteo oetalgótasig magamógoega teloisig tantet etlootjitemg gonteo lnoi sipo; elt eta pa otjit tan teli pogeelnisena gesalata mimatjoínóa tan tepao eimelisenaga tjiptog licital notji ongatemelíteo gis pogelg igag oen tegóig ognemiton gelolg oelataganigel otjit negla patlasag tlia gis gisi npegag oeleg elt tles onatji angatasin gis piloeaóig alsotoógoóm sgenoópotitjg. Nige atignatjig gis tjinemog tjel gis nesogonag etlogotitjig tesitjig sógtatjig neotisgegsitjig; oetj tloemg nesogonag tan etli nogoagep etli aggenittitj tan mesgig eotaga tanogonag tan ogoaali etlogotititj. E. M.

MELSIGNATIG — Japantegóteoiing-eaei tepg. 21 tes.—agnotemagantjijt aptj ola teoiag. Pigoelgag tjinemag tanag natji psigoigetaga elitatig Setantjiktjga Noel Plansis oetji pótangalatga, Toma P. Agostin, San E. Plansis, Noel S. Saimen, Tjan Glema, Egian Saimen, Toma Pitles, Plansoe Pal, Pasil T. Agostin, Lemi Gapetj, Taniel Nigles. Aptj gtegig elitapenig Sentjenga gepegeogig, Piel Selóm, Tjegep Agostin, Tjan O. Agostin, na tesitjig tami genegel elitatigaga. Tlia aptj gtegig na metj atji geneg teloisig ples pitpogoeg elitapenig, Simon ag Isag Saimen, Toma Lipal, Toma Sag, Pal P. Pal, Pelnape Pitels, gato mo lnin pitagtenog teleija. Aptj gtegig matjtapenig na optj natel elitasenig, Pasil ag Pelp Tjò, Lemi Oenotj, Gapiel Lol Tjò Pal, Toma S. Agostin, Pelnape Pitels, Noel Tjò, Tjititj Teni, Olliem Tanas, Patsig Saimen, Lagsi Pigiela apatjtajenag. Aptj nigetjigisog matjitatig, aptj natel elkatgeg Piel Teni, Piel Sanipas, Gapiel Lol, Lemi Oenotj, Tjòsi Pal, Legsi Pigieli ag Tjems Pigieli. Me aptj 17 tesogonitog, Sentjeng elitatig Olliem Tanas, Taniel Agostin, Sosep Agostin ag Tjani Palao, Egian Glótóg pagismgeepenag metepenagiag oetjietag gato apatjasitag, ag San Agostin otepitemel petjhosilipem sagmao oetjlep, ag Isapel Plonig pegisingepenag gato mógaetj pegitji mitogoeoga. Nin A. B.

GOSPEMG — Isagepgeoiogs—Mset gagi igatagotieg gisa. Alsag Palisgo mitjoatitjel oetjietal tógo elpatotjitel.

Mesgelimg tan mógoe gisi toaltimes otjit giglesan, maol gelolg gato gigpesan otjit igataganel.

Patlas emitogoalasenel Glistinal gesinogoaltjtel menagoesga.